

金石萃編

第四
函五冊

金石萃編卷七十一

賜進士出身

誥授光祿大夫刑部右侍郎加七級主祀謨

唐三十一

法藏禪師塔銘

銘橫廣三尺三寸高二尺九寸共三

十六行行三十字正書首題隸書

大唐淨域寺故大德法藏禪師塔銘

并序

京兆府前鄉貢進士田休光撰文

世之業生滅若輪環者則雖塵沙作數草木爲籌了無遺纖芥吁不可知者其惟流浪乎夫本性生火水中有月以凡筌聖從道場而至道場口因及果非前際而於

後際行之於彼待之於此禪師諱法藏緣氏諸葛蘇州
吳縣人昔羣雄角力三方鼎峙蜀光有龍吳恃其虎瑾
之後裕蟬聯姑蘇曾祖訥吳郡太守蘇州刺史秘書監
銀青光祿大夫上柱國開國男大父穎隨閬州刺史銀
青光祿大夫父禮

皇唐少府監丞吳會旗裳東南

旖旎洗墨而清夷落衣錦而燭江鄉山海禁錢蓬萊秘
府屢遊清貫歷拜寵章禪師卽蘇州使君之曾孫少府
監丞之第二子也年甫二六其殆庶幾知微知章克岐
克嶷此寺大德欽禪師廣世界津航人非鑽仰禪師伏
膺寂行口備師資因誦經至末徽中頗以妙年經業優

長奉

勅爲濮王度所謂天孫利益禪門得人禪

師自少出家卽與衆生作大善知識道行第一人天殊

勝開普門之幽鑰

酌

慈源之蜜波由恐日月居諸天地

消息每對天龍八部晝夜六時如救頭然曾未暫捨非
乞之食不以食以至于頭陀非掃之衣不以衣得之於
蘭若禪師自少于老駝驟象馬莫之間乘也以爲鎔金
爲像非本也裂素抄經是末也欲使賤末貴本背僞歸
真求諸如來取諸佛性世二相八十種好衆生對面而
不識奈何修假以望真且夫萬行之宗衆相之本生善
之地修善之境禪師了了見之矣夫鍾鼓在庭聲出于

外如意元年

大聖天后聞禪師解行精最奉

制請於東都大福先寺檢校无盡藏長安年

又奉

制請檢校化度寺无盡藏其年又奉

制請爲薦福寺大德非禪師或固居龍象之首清淨

開人倫之目不然焉使

天文屢降和衆相推揚

覺路之威儀總禪庭之準的護珠圓朗智刃雄鳴伏違
順之鬼魔碎身心之株杌廢情屬境卑以自居如谷王
之流謙百川委輸若周公之吐哺天下歸心菩薩下人
名在衆生之上悲哉三界

卽

火宅之所四大將歲時之

速旣從道來亦從道去遂拂衣掩室脫舄繩牀惟惚惟

慌不驚不怖粵以開元二年十二月十九日捨生于寺
報齡七十有八門人若喜考妣乃相謂曰和上云亡吾
徒安放乃拔面相視仰天椎心卽以其年十二月廿口
日施身于終南山梗梓谷屍隄林由是積以香薪然諸
花疊收其舍利建瘞睹波于禪師塔右自佛般入涅槃
于今千五百年矣聖人不見正法陵夷卽有善華月法
師樂見離車菩薩愍茲絕紐並演三階其教未行咸遭
弑戮有隨信行禪師與在世造舟爲梁大開普敬認惡
之宗將藥破病之說撰成數十餘卷名曰三階集錄禪
師靡不探蹟索隱鈎深致遠守而勿失作禮奉行是故

弟子將恐頽其風聲乃掇諸景行記之于石銘曰
有若禪人疑稜心不易兮身世瀕洞探討眞蹟兮寂行
沖融渙若氷釋兮軒裳蟬聯晴暉相射兮弈襲不染乾
乾衣錫兮蕭灑誼譁地自虛僻兮嚮關洞開亡珠可索
兮吾將斯人免夫過隙兮魂兮何之聲流道格若使天
地長久而可知卽相與撫實刊之于石兮

開元四年歲次景辰五月景子朔廿七日壬寅建

右碑題云大唐淨域寺故大德法藏禪師塔銘八分
書京兆府前鄉貢進士田休光撰文正書無姓名或
卽休光書也開元四年五月廿七日建按序俗氏諸

葛蘇州吳縣人爲瑾之後曾祖訥吳郡太守蘇州刺史大父頴隨閬州刺史父禮皇唐少府監丞以名賢後裔不應舍族披緇但云年甫二六奉勅爲濮王度則當時爲后主太子諸王剌染者皆指紳子弟可知也濮王卽太宗子魏王泰泰以貞觀二十一年改封碑云師于開元二年捨生報齡七十有八則剌度在永徽三年正泰開府置僚屬時也

金石錄補

按碑稱隨信行禪師撰三階集錄數十卷隋經籍唐藝文志皆未載予又攷隋書文學傳有諸葛頴者丹陽建康人官著作郎終正議大夫未嘗爲閬州刺史

其父名規梁義陽太守亦不名詈則與法藏之祖雖

同時而非一人矣

潛研堂金石文跋尾

按田休光非工文者碑文語多踈謬如叙禪師之
曾祖詈旣云吳郡太守又云蘇州刺史隋書地理
志吳郡陳置吳州隋平陳改曰蘇州大業初復曰
吳州隋書百官志郡置太守州置刺史文獻通考
云開皇三年罷天下諸郡以州統縣大業三年又
改州爲郡郡置太守至唐武德元年又改郡爲州
改太守爲刺史詈仕隋時若在開皇以後則當稱
蘇州刺史大業以後當稱吳郡太守二者斷無同

時並稱之理下云上柱國開國男不著所封某縣之爵又旣叙曾祖謚銜名于前矣而後又複云蘇州使君之曾孫皆行文之無法者文稱如意元年奉制于東都大福先寺檢校无盡藏河南通志福先寺在河南府城東三里唐神龍元年則天創建据碑如意元年已有福先寺不待神龍元年殆河南志誤也文又云長安年奉制檢校化度寺无盡藏長安志皇城義寧坊南門之東化度寺本隋真寂寺武德二年改化度寺寺中有無盡藏院敬宗賜化度經院金字額文又云其年又奉制請爲薦

福寺大德長安志開化坊南大薦福寺本襄城公
主第襄城薨市爲英王宅文明元年高宗崩後百
日立爲大獻福寺度僧二百人以實之天授元年
改爲薦福寺中宗卽位大加營飾自神龍以後翻
譯佛經並於此寺据碑則長安年已請師爲大德
其時薦福必非頽廢者是營飾之役不待中宗時
矣然長安志要自有據碑蓋鋪陳師之歷主大寺
爲朝廷所隆禮如此恐非盡實錄也

賀蘭氏墓誌銘

石高一尺七寸七分廣一尺六
寸四分十六行行十七字正書

大唐太常協律郎裴公故妻賀蘭氏墓

夫人賀蘭氏曾祖虔隨上柱國祖靜

牛父元愬潞州司士並宏翰深識布聲於代

律之姑女也童姿粉妍笄態瓊淑惟德是與乃賓

公宜其鏘鏘和鳴晏晏偕老女也不慝天胡降災綿

沉痾三浹其歲泊大漸移寢於濟法寺之方丈蓋懷哀

也粵翌日奄臻其凶春秋卅有四卽開元四年十二月

十日至十九日遷殯於鴟鳴埕實陪信行禪師之塔禮

也夫坦化妙域歸真香塋

衡

之冥果則已无量有子太

元等或孩提而孤擗標以泣嗚呼生人之至艱也裴公

傷奉倩之神痛安仁之簞圖範貞石碑光泉門銘曰

芙蓉劒子蛟龍質梧桐枝子鳳凰匡天何爲子降斯疾
俾雄雌子歡不卒延津女牀奄相失千年萬古哀白日
按此碑題曰太常協律郎裴公故妻賀蘭氏與集
古錄所載陸贄撰之賀蘭夫人墓誌蓋別一碑彼
碑是秘書監陸公夫人贄之曾從祖母也賀蘭氏
北周書賀蘭祥傳云先世與魏俱起有紇伏者爲
賀蘭莫何弗因以爲氏後有鎮武川者因家焉碑
叙先世曾祖虔祖靜父元哲隋唐書俱無傳文云
泊大漸移寢於濟法寺之方丈蓋壤衰也壤衰二

字未詳下云遷殯於鴟鳴埕實陪信行禪師之塔
鴟鳴埕卽梗梓谷在長安縣南六十里信行禪師
塔院卽百塔寺賀蘭夫人病則移寢於濟法寺之
方丈殯則遷陪禪師之塔不知其何謂而碑猶謂
之禮也此果何禮耶其時夫人卒年四十四其夫
裴公尚在又不言與寺僧有何瓜葛而卒於寺附
於塔恬不爲怪可知唐時士大夫於喪禮之廢蓋
已久矣

葉有道碑

裴本高廣行字
俱無考行書

唐故葉有道先生神道碑

并序

栢州刺史李邕文并書

昔者誕發老君道純天地生得夫子身負日月且時宰
不宗主人勿用矧乎埋照後谷潛盤窮山幽姿蛻於塵
容素尚允於仙類豈辟命行矣爵服繫之而已哉公諱
國重字雅鎮南陽葉縣人也自少典錫羨高卒纂緒陶
唐重熙后稷邁種文王之囂乃食於沈尹戌之子載封
於葉受氏享國大哉邈乎逮乎祖乾昱克壯其猶永孚
於德瑾戶習隱塞兌億坤碩膚長材通理博藝雖安事
累至而堅卧固辭故慶祚克開眉壽維永矣厥考道與

性守宮庭道敷邦國居鬼從地率神從天受錄以恒之
飛符以北之扼魍魎之邪劉臺台之祟有足竒也至於
揮札落絙引弓貫革特起五部廣推大餘侯誰嗣哉先
生靈承道宗異聞訓誘弱喪文貌幼尚純薦仙骨有象
童心不萌專精五龍遍遊羣岳聰以達遠明以察微達
死生之占體物氣之變嘗靜貞動耗息影歸止雲外口
壑林巢仙居人絕不鄰道阻且右獨往幽勝永歌隱淪
放聞保和習虛致靜据五石之髓擷三芝之英時或不
畱歲聿其逝緇髮純漆韶顏渥丹事適靈同神與道媾
惟寂惟寞不飲不食數十載於茲乃昇聞帝庭駿發皇

眷簡才受命降尊加禮將之以文馬速之以暢轂先生
盱眙長揖握手高謝曰自昔帝舜登庸德輝允鑠光武
繼統吏道孔嘉且薛方逢萌備外臣之禮虞仲夷逸終
處子之業豈垢俗疵物偏貢介性將採道慕類坐致奇
齡使者蓄而之疑申遂行之旨乃周覽廬室躬省倉廩
考疇人之疆畝評家童之作業皆儉以遵約安能維始
味不甘口色無養目信以爲著誠去僞敢守難奪順風
可卽強起曷至焉遂虛觀復命慙歎聞列朝廷企其高
渴其道聆嘉聲而屬口者豈勝言哉有司以天元書缺
星度官弛亡五德之運謬四時之分荆鬼越祥不知所